



YSGOL GLAN CLWYD

Pecyn Gwybodaeth
Swydd Arweinydd Y Gymraeg

Annwyl ymgeisydd

Diolch am ddangos diddordeb yn swydd Arweinydd Maes y Gymraeg yn Ysgol Glan Clwyd.

Dyma swydd allweddol yn yr ysgol gan y bydd yr ymgeisydd llwyddiannus yn gyfrifol am arwain adran fawr a blaengar wrth i'r ysgol edrych ymlaen yn hyderus at y cyfnod nesaf yn ei hanes. Nid yn unig y mae angen gweledigaeth, egni a chadernid i arwain un o feysydd craidd yr ysgol, mae angen hefyd angerdd a thân dros y Gymraeg. Mae arwain Maes y Gymraeg yn Ysgol Glan Clwyd yn fwy na swydd ond yn genhadaeth – dyma felly her gyffrous a chyfle ardderchog i ymgeiswyr priodol.

Fel y gwyddoch Ysgol Glan Clwyd oedd ysgol cyfrwng Cymraeg gyntaf Cymru, ac fe'i sefydlwyd yn 1956 i ymateb i'r galw am addysg cyfrwng Cymraeg yn Sir Ddinbych. Ers y dyddiau cyffrous, arloesol cynnar hynny mae'r ysgol wedi parhau i chwarae rhan flaenllaw wrth hybu addysg Gymraeg o'r radd flaenaf gan ymestyn y ddarpariaeth honno a'i hapêl.

Er ein bod bellach fel ysgol yn cynnwys dros fil o ddisgyblion mae'r ymdeimlad agos a chynhaliol o deulu yn parhau yn greiddiol i weithrediad Ysgol Glan Clwyd. Rydym yn ymfalchio yn yr egwyddor yma o deulu, gan sicrhau adnabyddiaeth wych o'n disgyblion ar lefel bersonol, gan alluogi i ni eu cefnogi'n bersonol ac yn emosiynol a gwarantu fod pob disgybl yn cael chwarae teg i gyflawni ei botensial.

Mae Ysgol Glan Clwyd yn ffodus iawn erbyn hyn o'r adnoddau a'r isadeiledd rhagorol yn yr ysgol. Mae'r adeiladau a'r adnoddau newydd a modern yn gwarantu amgylchedd gadarnhaol a phriodol i addysg ffynnu yn yr unfed ganrif ar hugain.

Byddwn felly'n chwilio am unigolyn gyda sgiliau addysgu digidol safonol, ond yn bwysicach na hynny yn meddu ar weledigaeth am sut i ddatblygu addysgeg fodern o ran y Gymraeg fel pwnc. Mae hyn hefyd yn cyd-fynd gyda'r her gyffrous o gynnig gweledigaeth ac arweiniad wrth i Ysgol Glan Clwyd barhau i gynllunio a pharatoi ar gyfer Cwricwlwm i Gymru a'r cymwysterau newydd.

Dyma'n wir bwysleisio her a chyffro'r swydd hon. Dyma gyfle i arwain un o feysydd mwyaf a phwysicaf yr ysgol mewn cyfnod o newid a datblygiad. Mae'r adran yn adran fawr a blaengar eisoes ac rydym yn chwilio am unigolyn gyda sgiliau arweinyddiaeth cryf i'w harwain ar ran nesaf ei thaith. Yn Ysgol Glan Clwyd yn yr ydym yn credu'n gryf fod arweinyddiaeth effeithiol yn gwneud gwahaniaeth arwyddocaol mewn ysgol – felly dyma gyfle euraid i unigolyn gweithgar ac uchelgeisiol i weithredu a datblygu ymhellach fel arweinydd addysgol.

Croesawn geisiadau gan ymgeiswyr sy'n awyddus ac yn gymwys i afael yn yr heriau uchod, a bod yn rhan o deulu Ysgol Glan Clwyd wrth i ni symud ymlaen eto'n hyderus.

Yn gywir



Sian Alwen

Pennaeth

Swydd Arweinydd Addysgu Y Gymraeg

Rydym yn awyddus i benodi ymarferydd effeithiol gyda'r ymrwymiad a'r weledigaeth i gyfrannu fel athro/athrawes o fewn maes Y Gymraeg sy'n faes allweddol yn Ysgol Glan Clwyd. Bydd disgwyl i'r ymgeisydd llwyddiannus ffynnu a datblygu fel aelod o dim arloesol, gweithgar ac uchelgeisiol.

Bydd yr ymgeisydd llwyddiannus yn gymwys i addysgu Y Gymraeg i'r amrediad oedran a gallu llawn yn yr ysgol. Rydym yn chwilio am berson egniol a blaengar i sicrhau fod y maes hwn yn parhau i ffynnu yn Ysgol Glan Clwyd, ac i gyfrannu at fywyd ehangach yr ysgol yn allgyrsiol.

Bydd gan yr ymgeisydd llwyddiannus:

- arbenigedd ym maes Y Gymraeg.
- agwedd arloesol a ffres at ddysgu.
- agwedd sy'n croesawu heriau a datblygiadau newydd yn gyson.
- y gallu i ysbrydoli disgyblion a myfyrwyr.
- y gallu i gydweithio'n rhagorol fel aelod o dim.
- y gallu i gynllunio ac arwain.
- ymrwymiad cydwybodol i arlwy allgyrsiol yr ysgol.
- yr agwedd briodol sydd yn mynnu'r safonau uchaf bob amser – o ran cyflawniad personol a chyflawniad eraill.

Ydy'r wybodaeth hon wedi procio eich chwilfrydedd? Hoffech chi wybod mwy?

Os ydych yn rhannu gweledigaeth yr ysgol am yr addysg orau posib yn yr unfed ganrif ar hugain gyda'r byd digidol yng nghanol y dysgu hwnnw, ac yn awyddus i ddatblygu gyrfa mewn ysgol hapus ac arloesol, byddai'r Pennaeth, Ms Sian Alwen, yn croesawu ymholiadau pellach am y swydd a sgwrs anffurfiol.





Bod yn aelod o dîm Ysgol Glan Clwyd

Rydym fel ysgol yn cynnig:

- Ysgol sy'n ymroi'n llwyr i ddatblygu ei gweithlu'n egniol gan gynnig cyfleoedd dysgu proffesiynol gwerthfawr, cyson a niferus.
- Ysgol sydd yn edrych yn ei blaen yn barhaus, yn cadw ei bys ar y pyls ac yn agored i unrhyw arfer dda sydd yn cael effaith gadarnhaol ar addysg a chynnydd ei disgyblion.
- Tîm cryf a brwdfrydig o staff sy'n gweithredu fel teulu gan gynnal a chefnogi ei gilydd
- Adeilad ac adnoddau rhagorol wedi eu cynllunio ar gyfer yr addysg orau yn yr 21G
- Adnoddau digidol ac isadeiledd safonol a phwyslais ar agweddau digidol yn yr addysgeg
- Ysgol Gymraeg yn darparu addysg Gymraeg o'r radd flaenaf yng nghanol Sir Ddinbych
- Lleoliad cyfleus yn agos i briffordd yr A55 sy'n galluogi i staff deithio atom o 8 sir wahanol.
- Diwrnod Lles blynyddol i bob aelod o staff.





Gwybodaeth am yr ysgol

Mae Ysgol Glan Clwyd yn ysgol gyfun ar gyfer 1035 o bobl ifanc 11-18 oed gyda thraddodiad o ddarparu profiadau ac addysg ddwyieithog o ansawdd i ddisgyblion ein cymuned. Dyma'r Ysgol Uwchradd Gymraeg gyntaf yng Nghymru ac rydym yn ymfalchïo yn y fraint o ddatblygu plant ac oedolion ifanc Sir Ddinbych yn ddinasyddion cwbl ddwyieithog.

Mae disgyblion yn mynychu'r ysgol o ardaloedd arfordirol yng Ngogledd y sir ac o ardaloedd cefn gwlad. Pob un ohonynt gyda'u toreth o acenion Cymreig sydd yn cyfoethogi ac yn dathlu ein hamrywiaeth Cymreig o dan yr un to!

Amcan yr ysgol yw rhoi'r sylw priodol i ddatblygiad ac addysg pob plentyn a ddaw i'n gofal gan bwysleisio pwysigrwydd profiadau ar lawr dosbarth. Byddwn hefyd yn cynnig ystod eang o weithgareddau allgyrsiol boed yn waith elusennol, perfformiadau ysgol gyfan, chwaraeon, profiadau cerddorol gan gynnwys Eisteddfodau yn ogystal â digwyddiadau STEM – mae'r rhestr yn hirfaith!

Bydd gweld disgyblion yn llwyddo yn y meysydd amrywiol hyn yn rhoi'r boddhad mwyaf i ni.

Er mwyn i'n disgyblion fanteisio i'r eithaf ar y profiadau a gynnigir, mae'n hanfodol bwysig eu bod yn hapus yn yr ysgol. Mae hyn wrth wraidd ein gwaith beunyddiol ac rydym yn falch o'r enw da sydd gennym fel ysgol sydd yn cynnig gofal ardderchog dros ein disgyblion gan sicrhau'r sylw personol hwnnw. Ein nod yw creu awyrgylch lle mae pob unigolyn, boed yn ddisgybl neu yn athro, yn aelod o'r tîm cefnogi disgyblion neu yn staff gweinyddol yn arddangos parch, parodrwydd a'r balchder o berthyn i deulu Ysgol Glan Clwyd.

Ym mis Medi 2017, agorwyd adeilad newydd sbon yn dilyn prosiect gwerth £15.9 miliwn a ariannwyd ar y cyd gan Gyngor Sir Ddinbych a Llywodraeth Cymru.

Yn dilyn datblygiad yr ysgol a'i chyfleusterau arbennig galluogir i ni ddarparu disgyblion gydag addysg sy'n gweddu i'r 21ain Ganrif.

Mae'r cyfleusterau yn cynnwys:

- Dros 1,000 o liniaduron/Chromebook
- Canolfan Ymchwil
- Theatr pwrpasol
- Stiwdio recordio
- Stiwdio Drama, Cerddoriaeth a Chelf
- Yr unig Gae Pob Tywydd 3G maint llawn yn y sir
- Caeau eang ar gyfer pêl-droed, rygbi ac athletau
- Ardal Gemau Defnydd Amrywiol sy'n cynnwys cyrtiau tenis, cyrtiau pêl-rwyd, cyrtiau pêl-fasged a chyrtiau sponcen
- 6 labordy pwrpasol a 3 labordy arddangos
- Gweithdy Dylunio a Thechnoleg
- Ystafelloedd dysgu modern
- Canolfan 6ed Dosbarth
- Cyfleusterau addysgu sy'n cynnwys dosbarthiadau mawr cyfforddus, ystafelloedd grwpiau llai ac ardaloedd i ddisgyblion weithio'n annibynnol
- Canolfan Anghenion Addysgol Ychwanegol sy'n cefnogi disgyblion o fewn awyrgylch cefnogol, pwrpasol
- Ystafell fwyta fawr sy'n cynnwys cyfleusterau arlwyio arbennig.



Manyleb Person

Agwedd neu Faes	Yn Hanfodol	Yn Ddymunol	Tystiolaeth
Profiad	<ul style="list-style-type: none"> Profiad llwyddiannus yn y sector uwchradd gyda hanes clir o wella dysgu a chodi cyflawniad dysgwyr Profiad o reoli newid mewn dysgu ac addysgu a chodi cyflawniad dysgwyr Profiad o ddefnyddio technolegau newydd i wella dysgu Profiad o ddefnyddio data i fonitro cynnydd myfyrwyr a llywio cynllunio'r cwricwlwm 	<ul style="list-style-type: none"> Profiad o hyfforddi a mentora athrawon eraill, ac os oes angen i adnabod, herio a gwella tanberfformio Profiad o ddefnyddio data i gefnogi dysgu, gosod targedau a monitro a gwerthuso perfformiad 	<ul style="list-style-type: none"> Ffurflen gais
Addysg a Chymwysterau	<ul style="list-style-type: none"> Gradd neu gyfwerth Statws Athro Cymwysedig ac wedi'i gofrestru gyda CGA Tystiolaeth o ddatblygiad proffesiynol parhaus 		<ul style="list-style-type: none"> Cyfweliad Ffurflen Gais Cyflwyniad
Gwybodaeth a Sgiliau Cysylltiedig â'r Swydd	<ul style="list-style-type: none"> Gwybodaeth a dealltwriaeth o ddatblygiadau cyfredol mewn addysgu Cymraeg a hefyd o faterion addysgol ehangach perthnasol Y gallu i roi ymyrraeth effeithiol ar waith ar gyfer myfyrwyr sy'n tangyflawni Gwybodaeth o'r polisiau addysg cyfredol sy'n ymwneud ag ysgolion. Y gallu i hyrwyddo cwricwlwm 11 - 19 sy'n diwallu anghenion myfyrwyr a blaenoriaethau cenedlaethol Sgiliau rheoli ymddygiad sefydledig Gweledigaeth glir ac arloesol Ymrwymiad i bresenoldeb proffil uchel yn yr ysgol a'i chymuned Y gallu i rymuso a chynnal timau effeithiol 		<ul style="list-style-type: none"> Cyfweliad Ffurflen Gais Cyflwyniad
Nodweddion Personol	<ul style="list-style-type: none"> Brwdfrydedd, ysfa a chariad at y swydd Y gallu i weithio'n galed o dan bwysau Y gallu i drefnu, cynllunio a blaenoriaethu amser yn effeithiol Ymrwymiad i gyfrannu at fywyd ehangach yr ysgol Sgiliau cyfathrebu rhagorol, ar lafar ac yn ysgrifenedig yn Gymraeg a Saesneg Parodrwydd i herio eraill i gynhyrchu canlyniadau cadarnhaol 		<ul style="list-style-type: none"> Cyfweliad Ffurflen Gais Cyflwyniad
Ansawdd y Cais	<ul style="list-style-type: none"> Ansawdd y cynnwys – dylid sicrhau nad yw'r datganiad ategol yn fwy na 2 dudalen A4 Perthnasedd uniongyrchol i'r fanyleb hon 		<ul style="list-style-type: none"> Ffurflen gais



Telerau'r swydd a sut i ymgeisio

Rhif y swydd: YYGC00383E5RDE
Telerau'r swydd: Graddfa Cyflog Athrawon
+ CAD 1b (£12,739)

Cytundeb: Parhaol
Dyddiad Cychwyn: Medi 2026

Sut i ymgeisio?

Manylion ar wefan Sir Ddinbych ac Addysgwyr Cymru neu drwy Rhian Davies, Swyddog AD Clwstwr Glan Clwyd ar:

swyddi@ysgolglanclwyd.cymru

Dyddiad cau'r swydd yw:
Dydd Mercher 13eg o Fai, 2026.

Bydd cyfweiliadau yn cael eu cynnal ar:
Wythnos yn dechrau; 18fed o Fai, 2026.

Gellir cysylltu â Rhian Davies ar y manylion uchod os am drefnu sgwrs gyda'r Pennaeth, neu ofyn am unrhyw wybodaeth ychwanegol.

Bydd y penodiad yn amodol ar wiriad gan y Swyddfa Cofnodion Troseddol.



Meithrin Cymry Blaengar

Cydweithio fel teulu i gyflawni'r gorau



YSGOL
GLAN
CLWYD